

平津館鑒藏書籍記

序

平津館鑒藏書記三卷洪明經頤煊助予寫錄屢憊凡刊刻年代人名前後序跋收藏圖印悉具於冊余參藩東省駐節安德與江左一水相通因擇要用書籍攜載行笈每年轉粟東歸公事多暇輒與同舍諸名士校訂撰述以銷永日於家園藏書纔十之四五耳曩余游蘇杭及官京師時所見祕府及市肆舊本甚多旣不能購寫及官外臺歲秩優厚又以地僻無所得先後從翰林院存貯底本及浙江文匯閣寫錄難得之書或友人遠致古籍酬以重值頗有善本及祕府未收之本阮撫部旣補採四庫遺書進呈

乙覽蒙

御題宛委別藏以貯之或從余寫錄世閒未有古書以圖續進念古今藏書家率閱數十年一二世而散佚獨范氏天一閣傳最久亦未全備伏讀

天祿琳琅書目知捐金藏珠之

盛世惟以稽古右文爲寶監司不貢方物無階附呈異時擬以善本及難得本彙請名大府進

御存其贖本藏於家祠不爲已有庶永其傳復恐後人無所稽核故爲之目又爲鑒藏書記以備考至此外家藏舊版尙有可觀俟歸里後續記爲後編或疑其好古之僻則非知我者太歲戊辰四月七日孫星衍撰於河

西務舟次

平津館鑒藏記書籍卷一

陽湖孫星衍撰

江寧陳宗彝校刊

宋版

附釋音毛詩注疏二十卷每卷又分卷數首行大題下

俱有小黑蓋子共七十卷次行題鄘柏舟詁訓傳第

四

凡標題俱據卷一此本卷一  
卷二俱補寫故據卷三題款

第三行題毛詩國風

空二字題鄭氏箋空二字題孔穎達疏每篇前俱載

詩譜詩序凡詩俱連詩序寫不另提行前有孔穎達

毛詩正義序詩譜序係後人鈔補據岳珂九經沿革

例云唐石本晉銅版本舊新監本蜀諸本與他善本

止刊古注建本蜀中本則附音於注文之下此本附

釋音當出於南宋閩中所刻每葉廿行行十七字小字行廿三字有明正德補刻葉收藏有襄史朱文方印

儀禮十七卷前後無序跋十七篇止載經文而無注黑口板每葉廿行行廿字內有補刻葉板心上有閩何校三字亦是南宋閩中所刻末附儀禮旁通圖一卷不題作者姓名據天祿琳琅元刻本是宋楊復撰通志堂有重刊本

附釋音禮記注疏六十三卷題國子祭酒上護軍曲阜縣開國子臣孔穎達等撰國子博士兼太子中允贈齊州刺史吳縣開國男臣陸德明釋文前有禮記正

義序不題姓名孔穎達序係後人鈔補黑口版每葉廿行行十七字小字行廿三字有明正德嘉靖時暨不注年代補刻葉此本與故相國和珅翻刻宋本行款相同惟彼本孔穎達序後有建安劉叔剛宅鈐梓木長印此本原序已缺無從攷證收藏有孫潛之印白文方印

附釋音春秋左傳注疏六十卷題孔穎達等陸德明銜名與禮記注疏本同唯孔穎達等字下有奉勅二字前有孔穎達春秋正義序此與禮記注疏皆南宋閩中刊本每葉廿行行十七字小字行廿三字有明正德嘉靖年間補刻葉

監本附音春秋公羊注疏二十八卷前何休序疏不在  
卷中每卷某公俱與大題相連每葉廿行行十七字  
小字行廿三字亦有元明補刻葉岳珂云舊新監本  
不附釋音此監本亦附音當出於岳氏所見刊本之  
後 天祿琳琅宋本卷首有景德二年六月中書門  
下牒文此本無之

監本附音春秋穀梁注疏二十卷題范甯集解楊士勛  
疏每卷某公亦與大題相連前范甯序下題國子四  
門助教楊士勛撰國子博士兼太子中允贈齊州刺  
史吳縣開國男陸德明釋文序文標題穀梁下多一  
傳字每葉廿行行十七字小字行廿三字亦有元明

補刻葉

孝經注疏九卷前有孝經注疏序低二格有孝經講義  
小引次題翰林侍講學士朝請大夫守國子祭酒上  
柱國賜紫金魚袋臣邢昺等奉勅校定注疏序文前  
題成都府學主鄉貢傅注奉右撰每葉廿行行十七  
字小字行廿三字此本亦南宋刊本正德六年補刻  
而殘缺過多板心上不標年代者僅數葉存矣

釋名八卷題劉熙字成國撰前有劉熙釋名序後題云  
右釋名八卷館閣書目云漢徵士北海劉熙字成國  
撰推揆事源釋號致意精微崇文總目云熙卽物名  
以釋義凡廿七日臨安府陳道人書籍鋪刊行六十

字每葉廿行行廿字

纂圖互注老子道德經二卷題河上公章句注釋自體  
道至顯質八十一章目錄分作四卷前有葛元道德  
經序老氏聖紀圖混元三寶圖初真內觀靜定圖金  
丹圖卷中有重意重言互注解曰者俱非本注用黑  
蓋子別之黑口版每葉廿二行行廿一字

纂圖互注南華真經十卷題晉郭象子元注唐陸德明  
音義前有郭象南華真經序莊子太極說周子太極  
圖說重意重言互注俱用黑蓋子別出黑口版每葉  
廿二行行廿一字

沖虛至德真經八卷次行題列子張湛處度注前有張

湛列子序冲虛真經目錄題唐當塗縣丞殷敬順釋  
文目錄後有劉向校上列子奏黑口板每葉廿行行  
廿一字

纂圖互注荀子二十卷題唐大理評事楊倞注自勸學  
至堯問三十二篇前有元和十三年楊氏荀子序荀  
子鼓器圖天子大路圖龍旗九旂圖重意重言互注  
俱用黑蓋子別出黑口版每葉廿二行行廿一字

纂圖互注楊子法言十卷題晉李軌唐柳宗元注次行  
題聖宋宋咸吳祕司馬光重添注前有宋咸重廣注  
楊子法言序景祐四年宋咸進法言表司馬溫公注  
楊子序渾儀圖五聲十二律圖重意重言互注俱用

黑蓋子別出黑口版每葉廿二行行廿一字宋咸序  
後有本宅今將監本四子纂圖互注附入重言重意  
精加校正竝無訛謬謄作大字刊行務令學者得  
木長印

中說十卷題阮逸注前有阮逸文中子中說序文中子  
纂事一爲世系一爲年表黑口版每葉廿二行行廿  
一字自老子以下巾箱本六子皆南宋坊間所刻據  
法言序後木印纂圖互注監本大字止有四子後改  
巾箱本又添入重言重意暨列子中說共爲六子  
天祿琳琅所藏纂圖互注本止有荀子南華真經兩  
種而此冊六子猶全

纂圖互注荀子二十卷標題行數字數序文圖說俱與前巾箱本無異唯每版稍高一分字畫亦有減省之異當是南宋中重刊別本收藏有顓印白文方印大季氏朱文方印

纂圖互注南華真經十卷晉象子元注唐陸德明音義前圖已殘缺巾箱本互注等字俱用黑蓋子此本俱以重欄綫別之巾箱本音義本字用方綫此本多用黑蓋子此本當出於巾箱本之後黑口版每葉廿四行行廿六字收藏有書帶草堂朱文長印

劉子十卷目錄前題劉子新論梁通事舍人劉勰撰播州錄事參軍袁孝政注自清神至九流五十五篇巾

箱本每葉廿二行行十八字左欄綫外上俱標篇名  
宋諱貞慎恆字俱缺筆字畫清勁是宋刻之佳者此  
書唐志作劉勰撰陳氏書錄解題晁氏讀書志俱據  
袁孝政序文作北齊劉晝撰此本無袁序而題作劉  
勰與唐志同又目錄與卷一卷二字畫不同是後人  
補刻據盧氏羣書拾補所校道藏本此本殘脫猶多  
收藏有趙氏子昂朱文方印揚州季氏藍文長印滄  
葦藍文長印振宜之印藍文方印季振宜藏書藍文  
小長方印御史振宜之印白文方印良惠堂沈淪九  
川印朱文長印鑒定法書之印朱文長方印九川朱  
文方印志雅齋朱文方印沈文私印白文長方印宗

伯朱文方印姝谿白文長印姝谿草堂朱文方印  
疑龍經一卷題唐國師楊筠松撰疑龍三篇後附疑龍  
十問衛龍篇變星篇又補遺下有長木印記云龍經  
一書刊行久矣今得贛本於疑龍變星之外又有斷  
制粹言及形穴所屬星象議論尤爲詳備併刊於後  
云云黑口版每葉廿八行行廿五字

新編方輿勝覽七十卷題建安祝穆和父編前有嘉熙  
己亥呂午序嘉熙己亥祝穆序所述止南宋版圖首  
載建置沿革次事要分十八子目末四六聯句皆備  
南京幕府酬應之用黑口板每葉小字廿八行行廿  
八字收藏有高臥樓白文方印臣璐私印朱文方印

半查朱文方印叢書樓白文長方印李氏寒香閣藏  
書記朱文方印

本草衍義二十卷題通直郎添差充收買藥材所辨驗  
藥材寇宗奭編撰前有政和六年十二月二十八日  
付寇宗奭劄後題宣和元年月本宅鏤板印造姪宣  
教郎知解州解縣丞寇約校勘書本二十卷目錄作  
十七卷未知其故黑口版每葉廿四行行廿一字

東萊先生校正南史詳節二十五卷題唐李延壽前有  
南北國都地理圖宋齊梁陳世系圖巾箱本黑口板  
每葉廿八行行廿四字欄綫上有每事標題又帝紀  
列傳俱記其名於欄綫之左東萊呂氏本有十七史

詳節此特其一種耳

通鑑紀事本末四十二卷目錄一卷題建安袁樞編前有淳熙元年楊萬里敘此書宋有二刻本一刻於嚴陵卽萬里敘本一刻於寶祐趙與簾以嚴陵版小易爲大字此卽大字本也而缺與簾敘一篇每葉廿二行行十九字

西山先生真文忠公文章正宗二十四卷目錄一卷前當有序文此本已失書分辭命議論敘事詩賦四類黑口版每葉廿行行廿一字旁有句讀圈點與天

祿琳琅寬行大字宋本不同

洪頤煊曰三國志諸葛亮傳裴注引亮再出師

表云自臣到漢中中間替年耳然喪趙雲陽羣馬玉

關芝丁立白壽劉師鄧錫等學者疑趙雲此時尙存

不應有此言及觀此書卷十一載亮再出師表裏字實作表字始悟俗本之謬收藏有寶樹借觀朱文方印

新刊唐陸宣公集二十二卷目錄一卷分制誥十卷奏草六卷中書奏議六卷前有權德輿翰苑集序本朝名臣進奏議劄子二篇唐陸宣公像據權序制誥集十卷奏草七卷中書奏議七卷此本奏草奏議各少一卷與序所稱不同陳氏書錄解題有翰苑集十卷牘子集十二卷翰苑集疑卽制誥牘子集疑卽奏草與中書奏議然又別是一本黑口板板心俱題奏議每葉廿行行廿字收藏有獲古堂印朱文方印

朱文公校昌黎先生文集四十卷題晦庵朱先生考異

畱耕王先生音釋目錄一卷題李漢編集前有朱文

公韓文考異序

闕末葉

寶慶三年王伯大序

闕首二葉

諸家

姓氏李漢序汪季路書朱文公校集凡例末有題識云右凡例十二條乃南劍官本所載按朱文公校昌黎集又著考異十卷在正集之外自爲一書畱耕王先生倅南劍時并將考異附於正集本文之下以便觀覽又集諸家之善更定音釋猶未附入正集仍於逐卷之左空其下方以待竄補今本宅所刊係將南劍州官本爲據併音釋附正集焉使觀者一目可盡云云此刻又當在寶慶後矣末附遺文一卷集傳一卷黑口板每葉廿六行行廿三字收藏有讀書樓白

文長印任奎之印白文方印

增廣注釋音辯唐柳先生集四十三卷別集二卷外集  
二卷附錄一卷題南城先生童宗說注釋新安先生  
張敦頤音辯雲閒先生潘緯音義前有夔州刺史劉  
禹錫序柳先生年譜據後本當有陸之淵序文疑此  
本脫去別集外集附錄總目旣列在正集目錄之後  
又別刻在當卷之首殊爲重複黑口版每葉廿六行  
行廿三字收藏有季振宜藏書朱文小長方印

增廣注釋音辯唐柳先生集四十三卷題童宗說張敦  
頤潘緯俱同前本前有劉禹錫序又有乾道三年陸  
之淵柳文音義序卽爲潘緯作也未附別集上下兩

卷已殘缺不全黑口版每葉廿六行行廿三字此本與前本行款毫髮無異惟前本目錄後有別集外集附錄目錄此本雖有別集而無目錄亦無別刻之葉細審之版式與前本差減一分間有字畫減不減之異又紙色頗不及前故知其模刻當在後也

元版

春秋啖趙二先生集傳纂例十卷題陸淳纂前有慶厯戊子朱臨序春秋集傳辨疑凡例每葉廿行行廿字孫退谷墨蹟題識云延祐五年十一月集賢學士曲出言唐陸淳所著春秋纂例辨疑微旨三書有益後學請令江西行省鋟梓以廣其傳從之此當日鋟本

余求之十年始見之云云其爲前輩珍重如此收藏  
有北平孫氏朱文方印北平孫氏硯山齋圖書朱文  
方印范士楫印白文方印其生父白文方印禹蹟朱  
文方印敏求齋圖書印白文長印靜遠齋藏書記朱  
文長印匪棘堂朱文長印果親王府圖籍朱文方印  
又朱文長印果親王點定朱文長印

讀論語叢說三卷題東陽許謙前有至正七年張樞序  
稱右白雲先生文懿許公所著讀書叢說六篇先生  
之子元與門人俞實交等之所校讐此本止論語三  
卷 四庫全書本又止大學一卷中庸一卷孟子二  
卷或卽此書之缺據張序稱先生所著詩名物鈔八

篇四書叢說二十篇讀書叢說六篇元史本傳作廿  
卷者非此書也黑口板每葉小字卅二行行廿六字  
古樂府十卷題豫章左克明編次前有至正丙戌左克  
明序稱其爲卷十爲類八冠以古歌謠詞終以雜曲  
每葉廿四行行廿一字收藏有海鹽姚叔祥藏白文  
方印

古今韻會舉要三十卷前有壬辰劉辰翁韻會序丁酉  
熊忠序字朮魯辨序至順二年余謙題字又有古今  
韻會舉要凡例一卷題昭武黃公紹直翁編輯昭武  
熊忠子中舉要禮部韻略七音三十六母通考一卷  
黑口版每葉廿二行行廿三字熊序稱同郡在軒先

生黃公公紹作古今韻會僕惜其編帙浩瀚隱屏以  
來因取禮部韻略增以毛劉二韻及經傳常收未載  
之字別爲韻會舉要一編是舉要爲熊氏所撰熊序  
後有坊刻陳寔告白木印云寔昨承先師架閣黃公  
在軒先生委刊古今韻會舉要凡卅卷亭尤魯翀序  
亦稱文宗皇帝御奎章閣得昭武黃氏韻會舉要寫  
本至順二年春敕應奉翰林文字余謙校正竝以舉  
要爲黃氏原書皆不考之過

新增說文韻府羣玉二十卷題晚學陰時夫勁弦編輯  
新吳陰中夫復春編注前有翰林滕賓序至大庚戌  
江邨姚雲序吳興趙孟頫題字大德丁未陰竹埜序

陰復春自序末題延祐改元甲寅幼達書陰勁弦自  
序末題時遇謹白據千頃堂書目時夫名時遇中夫  
名幼達時夫乃中夫之季竹埜倦翁又其伯叔也黑  
口版每葉廿二行行小字廿九字收藏有季振宜印  
朱文方印滄葦朱文方印

呂氏春秋二十六卷前有遂昌鄭元祐序後有嘉興路  
儒學教授陳華至正

下有闕字

吳興謝盛之刊一行卽所

謂元嘉禾學宮本也目錄後有鏡湖遺老記稱此本  
從太清樓本校定故視他本爲善每葉廿行行廿字  
夢谿筆談廿六卷題沈括存中前有括自序書中國家  
詔書等字俱空一格知從宋版翻雕黑口版每葉廿

四行行十八字每條次行又低二字收藏有陸爰子引朱文方印陸字朱文小方印陸陸子朱文長印東岡病叟朱文方印石塘居士朱文方印

困學紀聞二十卷題浚儀王應麟伯厚

卷二以下前有甫字

泰定二年門人袁桷敘至治二年牟應龍序後有牟應龍印牟伯成父儒林世家三木小方印目錄前有深寧交識語後有伯厚甫深寧居士二木方印黑口版每葉廿行行十八字 此書後有泰定二年十二月癸卯廣元路儒學教授吳郡陸晉之敘今缺

中吳紀聞六卷題崑山龔明之前有淳熙元年龔明之序次目錄一卷末有至正廿五年武寧盧熊記卷六

石湖下八條有目無書明毛晉刊本卽從此本翻雕  
黑口板每葉廿二行行廿一字

金陵新志十五卷前有甲申四月江南諸道行御史臺  
都事索元岱序鈔錄修志文移臺府提調官掾職名  
修志本末題前奉元路學古書院山長張鉉輯末有  
督刊姓氏此卽元至正四年刊本也內亦有明補刊  
葉十八行行十八字

茅山志十五卷題上清嗣宗師劉大彬造自註副墨至  
金薤編凡十二篇小題俱與大題相連前有泰定甲  
子趙世延泰定丁卯吳全節天厯戊辰劉大彬三序  
末卷後有金華道士錢塘西湖隱真庵開山何道堅

施梓十八字據明道士張全恩刻本有舊序稱此志  
編於劉大彬傳於趙孟頫贊於虞集書於張伯雨世  
稱四絕此本疑卽伯雨所書洪頤煊曰金薤編有續  
刻三葉又有明淮南冀  
綺登茅山詩  
皆後人所附黑口版每葉廿六行行廿三字

新刊補注釋文黃帝內經素問十二卷題啟園子次注  
林億孫奇高保衡等奉勅校正孫兆重改誤前有啟  
園子王冰黃帝內經素問序後題將仕郎守殿中丞  
孫兆重改誤明史藝文志孫兆素問注釋考誤十二  
卷誤以孫兆爲明人總目一卷後題云元本廿四卷  
今併爲一十二卷刊行總目前有本堂今求到元豐  
孫校正家藏善本重加訂正分爲一十二卷云云木

長印總目後亦有木長印字已減去卷十二後有至

元己卯舊節古林書堂新刊十二字木長印

洪順煊曰晁氏

讀書志陳氏書錄解題此書廿四卷  
四庫全書本亦廿四卷皆與此本異

末附素問入

式運氣論奧三卷前有元符己卯朝散郎太醫學司  
業劉溫舒序黃帝內經素問遺篇一卷黑口版每葉  
廿三行行廿三字

經史證類大觀本草三十一卷題唐慎微纂前有大觀  
二年十月朔通仕郎行杭州仁和縣尉管句學事艾  
晟序卽陳氏書錄解題所見本也然惟序文目錄卷  
一題作經史證類大觀本草卷二以下大觀改大全  
據艾序又本名經史證類備急本草艾序後本有大

德壬寅孟春宗文書院刊行木印爲書賈剗去以充  
宋刻又闕三十三十一兩卷黑口板每葉廿四行行  
廿字收藏有全之朱文方印狀元裔朱文方印文璧  
印白文方印徵明朱方印明榮祿大夫少保兵部尚  
書□□□□節愍公書畫子孫保鬻及借人爲不孝  
□□□□□□卅八字朱文大方印

類證增注傷寒百問歌四卷卷一爲傷寒解惑論前有  
乾道癸巳湯尹才序解惑論卽尹才所撰末有淳熙  
壬寅韓玉跋卷二以下爲傷寒百問題建寧府通守  
錢聞禮撰前有至大己酉武夷詹清子子敬序此書  
爲曹仲立取湯錢兩書合刻詹氏序而行之黑口板

巾箱本每葉廿二行行廿一字

新刊東垣先生

中下兩卷作東垣十書

蘭室祕藏三卷題東垣老

人李杲撰目錄一卷

四庫全書本前有至元丙子

羅天益序此本無之巾箱本黑口板每葉廿行行十七字

奇效良方六十五卷

卷一方下有論字

題奉政大夫太醫院院

使吳興方賢纂集修職郎太醫院御醫臨江楊文翰較正前後無序跋明史藝文志方賢奇效良方六十九卷此本尙缺四卷書中稱中書右丞相合剌合孫至元癸未季春一日奉勅治之賢乃元人書中詔勅上命等字俱提行寫當爲元時所刊黑口版每葉廿

二行行廿四字

故唐律疏議三十卷題太尉楊州都督監修國史上柱  
國趙國公長孫無忌等撰前有目錄一卷進律表疏  
一卷總目一葉泰定四年柳贇序泰定二年劉有慶  
序唐律釋文序不題撰人姓名每卷後各附釋文并  
圖俱題奉訓大夫江西等處行中書省檢校官王元  
亮重編末卷後有考亭書院學生余資編校十字柳  
贇序後有至順壬申五月印七字劉唐律釋文序後  
有崇化余志安刊於勤有堂木長印黑口版每葉廿  
四行正文行廿一字注行廿三字嘉慶丁卯余重雕  
於吳門

南史八十卷小題在上大題在下次行題李延壽三字  
前後無序跋末卷末葉板心下題桐學儒生趙良燾  
謹書自起手至閣筆凡十月小字二行宋史宗室世  
系表商王房下有良燾未知是此人否然審其模印  
紙色宋諱俱不缺筆當是元時所刻每葉廿行行廿  
字收藏有史鑑之章子孫保之西史邨人三白文方  
印果親王府圖書記朱文長印

資治通鑑二百九十四卷題朝散大夫右諫議大夫權

御史中丞充理檢使上護軍紫金魚袋臣司馬光奉

敕編集

此據第一卷所題銜名隨官改換後學天台胡三省音

注前有元豐七年光進書表并獎諭詔書元祐元年

下杭州鏤版衙名紹興二年下紹興府餘姚縣印造  
衙名皆宋刊資治通鑑原帙袁桷清容集載胡三省  
天台人寶祐進士賈相館之釋通鑑三十年兵難橐  
三失乙酉歲畱袁氏家塾日手鈔注定己丑寇作以  
書藏窖中得免三省通鑑本有自序亦云乙酉撤編  
乙酉爲元世祖至元廿二年溫公考異本別行此本  
散入於各條之下據黃溥簡籍遺聞稱是書刊於臨  
海洪武初取其版藏南京國學卽此本也洪頤煊曰此本模印  
皆用明成化年間案牘廢紙其紙背有和州之印應天府經歷司印江寧縣印當塗縣印建陽衛指揮使印六安衛指揮使印完全可辨  
皆可爲版藏南京國學之證黑口版每葉廿行行  
廿字

通鑑續編二十四卷題陳桎二字前有至正廿一年周伯琦序末有太史氏行中書周氏伯溫三木印至正十八年陳基序末有陳基私印陳氏敬初二木印至正廿二年張紳序末有雲門山樵山東張紳士行二木印至正十年陳桎自序末有陳桎私印陳氏子經隆國世家三木印書紀盤古至高辛爲一卷契丹建國之始合五代爲一卷宋爲廿二卷黑口版每葉十八行行廿一字收藏有弱侯朱文長印

戰國策十卷題縉雲鮑彪校注東陽吳師道重校前有戰國策劉向序曾鞏序紹興十七年鮑彪國策校注序泰定二年吳師道序至正十五年陳祖仁序稱浙

西掾劉瑛廷修刻梓學宮末卷尾有平江路儒學正  
徐昭文校勘十一字黑口版每葉廿二行行廿字

吳越春秋十卷題後漢趙曄撰前有徐天祜序不題年  
月稱曄書越舊嘗鋟梓歲久不復存汴梁劉侯來治  
越校蒐遺文重刻於學不鄙謏聞屬以考訂既刊正  
疑訛復爲之音注并考其與傳記同異者附見於下  
而互存之末卷後有大德十年歲在丙午三月音注  
越六月書成刊版十二月畢工廿四字每葉十八行  
行十七字 四庫全書元大德十年刻本序文不著  
名姓卷末有徐天祜畱堅陳曷伯梁相劉克昌五人  
銜名此本尾張缺半葉無從攷證未知別爲一本抑

卽此本殘缺互異不能明也

吳越春秋十卷題後漢趙曄撰此卽徐天祐音注之本  
前無序文後無刻書年月其模印紙色是元時所刻  
大字板每葉十八行行十八字版收藏有徵明白文  
小連珠印綺黃朱文方印仲夏世家白文方印

范文正公遺跡一冊不分卷數亦不著撰人姓氏分山  
東吳中西夏洛陽公所至之處各記其名勝碑記雜  
文并冠以圖收藏有毗陵九松迂叟藏書記朱文長  
印周良金印朱文方印顧元慶印白文方印大有朱  
文方印大石山人白文方印吳郡顧元慶氏珍藏印  
朱文方印

增入諸儒杜氏通典詳節四十二卷前有唐李翰序新纂圖譜一卷佑自序題旨諸儒姓氏自歐陽修至葉適凡二十一人綱目一卷後有至元丙戌重新繡梓八字不著撰人姓氏今本通典兵刑分爲二此本兵附於刑之首標題不別言兵晁氏讀書志云通典以食貨選舉職官禮樂刑法州郡邊防八門分類敘載足證宋本皆如此也黑口版每葉廿八行行廿三字收藏有濟之朱文長印王時敏鑒賞書畫記白文方印啟南朱文方印

新刊初學記三十卷題光祿大夫行右散騎常侍集賢院學士副知院事東海郡開國公徐堅等奉勅撰前

有紹興四年福唐劉本序目錄一卷末卷後有題云

初學記三十卷宋後刻於麻沙

下尚有字書賈已剗去

據此則

此本爲元時所刻黑口版每葉廿行行廿字

洪頤煊曰此本

卷一引爾雅疾雷爲霆寧壽堂本作疾雷謂之霆謂之霆三字是後剗改俗本北堂書鈔卷一百五十二事類賦卷三引爾雅疾雷爲霆及觀影宋本北堂書鈔元刻事類賦皆作疾雷爲霆覓此皆俗本妄改之失臧氏琳經義雜記反據以訂爾雅誤矣

事類賦三十卷題宋博士渤海吳淑撰注前有淑進注

事類賦狀紹興丙寅邊惇德序末卷後有宋紹興丙

寅右迪功郎特差監潭州南嶽廟邊惇德左儒林郎

紹興府觀察推官主管文字陳綬右從政郎充浙東

提舉茶鹽司幹辦公事李端民校勘銜名三行此本

爲元時依宋版翻刻故紹興上冠以宋字每卷吳淑銜名後空一行黑口板每葉廿二行行廿字

新編古今事文類聚前集六十卷後集五十卷續集二十八卷別集二十二卷題建安祝穆和父編新集三十六卷外集十五卷題南江富大用時可編前有淳祐丙午祝穆序每集前俱有目錄外集引元官制書中稱爲大元富大用本元人外集目錄後有泰定丙寅廬陵武溪書院新刊木長印巾箱本黑口板每葉廿六行行廿四字收藏有莊秀卿家藏圖籍私印朱文方印子孫世享朱文方印

玉海二百四卷題浚儀王應麟伯厚甫玉海本二百卷

末四卷爲詞學指南前有至元四年戊寅東陽胡助序後有東陽胡助古愚兩木印次至正十一年慶元路總管阿殷圖序至正辛卯王分序中山李桓序後有李桓晉仲兩木印次至元三年十一月浙東道宣慰使司刊刻玉海指揮後有也乞里不花等銜名目錄後有慶元路儒學刊造玉海書籍提調官銜名其詩考地理考漢藝文志考通鑑地理通釋集解踐阼篇補注急就篇王會篇漢制考小學紺珠姓氏篇六經天文編康成易注通鑑答問十三種據至元六年厚孫跋語亦同時並刊唯不在目錄之中每葉廿行行廿字玉海原板藏江寧府學近年始燬於火據乾

隆五十六年補板印本元板僅見一二此本雖亦有  
正德二年嘉靖庚戌至丁巳補葉以視近世行本真  
不啻天淵之隔矣

新編事文類聚翰墨大全甲集十二卷乙集九卷丙集  
五卷丁集五卷戊集五卷己集七卷庚集二十四卷  
辛集十卷壬集十二卷癸集十一卷後甲集八卷後  
乙集三卷後丙集六卷後丁集八卷後戊集九卷共  
一百三十四卷題鄉貢進士省軒劉應李希泌編前  
有大德十一年熊禾序元輿地圖十四此書雖爲時  
俗酬應而設其中諸款式稱謂禮制頗見一時風尚  
紀元一代官制輿地科舉條式尤詳每葉廿八行行

廿八字

羣書備數十二卷題臨江張九韶美和編目錄前有自序後有臨江張氏美和林下一人三小木印書分十二門略如小學紺珠以備記誦之學九韶元時累舉不第洪武間辟爲清江教諭此書地名官制俱至元止是元時刻本也黑口版每葉廿行行廿一字收藏有璜川吳氏收藏圖書朱文方印

文選六十卷題梁昭明太子選唐文林郎守太子右內率府錄事參軍事崇賢館直學士臣李善注上奉政大夫同知池州路總管府事張伯顏助率重刊前有唐李崇賢上文選注表又載呂延祚進五臣集注文

選表開元六年口勅梁昭明太子文選序廉訪使余  
璉序據余序此本爲元池州學所刊黑口板每葉廿  
行行廿二字收藏有吳煒彤文氏字赤岸之印朱文  
方印高氏一青朱文方印勃海詩宗朱文方印

唐詩始音輯注一卷正音輯注六卷遺響輯注七卷題  
襄城楊士宏伯謙編次新詮張震文亮輯注每集有  
目序小序前有唐音名氏又有至正四年八月楊士  
宏序并凡例序後有楊氏伯謙木方印鑑池春草木  
方印尚白齋木長印始音目錄後有廣勤堂鼎式木  
印建安葉氏鼎新繡梓木長印每集後有鑑池春草  
尚白齋兩木印黑口板每葉廿行行十八字收藏有

季振宜印朱文方印滄葦朱文方印季滄葦圖書記

朱文長印

駱賓王文集十卷前有唐書本傳明刻駱集有四卷六

卷八卷之本此本乃元時所刻與晁氏讀書志陳氏

書錄解題卷數相同據書錄解題卷首有魯國鄒雲

卿序而此本無之

洪頤煊曰宋彭叔夏文苑英華辨證引駱賓王帝京篇寄東臺詳正

學士詩鈞磯應詰文集

中字俱與此本相同俗本代徐敬業討武氏檄此

本作李敬業以武后臨朝移諸郡縣檄俗本六尺之

孤何託此本作六尺之孤安在與書錄解題引同每

葉廿二行行十八字

分類補注李太白詩十八卷題春陵楊齊賢子見集注

章貢蕭士贇粹可補注前有至元辛卯蕭士贇序目錄後有建安余氏勤有堂刊八字篆書長木印又有李陽冰樂史宋敏求曾鞏毛漸五序劉全白李君碣記共爲一卷黑口版每葉廿四行行廿字 天祿琳琅藏本此書本廿五卷此本缺十九以下七卷目錄作十八卷者蓋書賈割齊以充完書末葉版心猶有參差痕迹可辨洪頤煊曰此本十八卷止古賦古風芭本分類當有酬答遊宴登覽行役懷古閑適懷思感遇寫懷詠物題詠雜咏閨情哀傷十四類竹汀先生日記鈔所見收藏有朱氏家藏書畫朱文長印葑本亦廿五卷

溪朱氏圖書朱文方印石湖漫士朱文方印顧孔殷印白文方印禹功朱文方印顧氏德育白文方印克

承私印白文方印

集千家注分類杜工部詩廿五卷題東萊徐居仁編次  
臨川黃鶴補注前有杜工部傳序碑銘一卷後有廣  
勤書堂新刊六字長木印杜工部詩年譜一卷題臨  
川黃鶴撰目錄一卷集注姓氏詩門類後有三峯書  
舍四字鐘式木印廣勤堂三字鼎式木印黑口版每  
葉廿四行行廿字據集注姓氏韓愈元稹題唐賢王  
禹偁至謝枋得題宋賢劉曾孟題時賢則元時刻本  
也收藏有馮氏藏本朱文方印宋本二字宋文小橢  
圓印長興吳氏汝貴家藏朱文方印

集千家注分類杜工部詩廿五卷題次目錄鐘鼎木印

行款俱同前本紙色模印亦不相遠唯杜工部傳序  
碑銘後無廣勤書堂新刊六字長木印疑後人取別  
本補之

集千家注分類杜工部詩廿五卷題次目錄鐘鼎木印  
行款俱同前本紙色模印亦不相遠唯失杜工部傳  
序碑銘一卷年譜一卷收藏有燬印白文小長印江  
陰葛惟善氏珍藏朱文方印旌表節義之門朱文方  
印用賓白文方印

增刊校正王狀元集注分類東坡先生詩廿五卷題宋  
禮部尚書端明殿學士兼侍讀學士贈太師謚文忠  
公蘇軾廬陵須溪劉辰翁批點前有東坡先生詩序

王十朋一篇趙公夔一篇集注姓氏題狀元王公十

朋龜齡纂集後有廬陵□□□□

原刻  
屏去

書堂新刊十

字長木印東坡紀年錄題僊溪傳藻編纂目錄一卷  
黑口版每葉廿四行行廿一字旁有黑圈點注中有  
增刊者用黑蓋子別之亦間載批語邵長蘅作王注  
正譌謂此書非十朋所作 四庫全書王氏注本三  
十二卷分廿九類此本分七十六類與 天祿琳琅  
本同而 內府本姓氏後長木印作汪氏誠意齋集  
書堂新刊十字與此本又異收藏有退翁白文方印  
虛寂齋朱文方印

蒼崖先生金石例十卷題鄱陽楊本編輯校正目錄前

又題廬陵王思明重校正前有至正五年楊本序至  
正乙酉傅貴全序至正五年湯植翁序至正戊子王  
思明序此書爲元潘昂霄所撰蒼崖者其號也至正  
乙酉楊本刊於饒州戊子王思明復梓之此本卽思  
明所刻黑口版每葉廿行行廿二字收藏有吳翼鳳  
家藏文苑白文長印鄭敷教印白文方印惠定宇借  
觀白文長印一字南孫白文方印

平津館鑒藏記書籍卷二

陽湖孫星衍撰

江寧陳宗彝校

明版

周易兼義九卷題魏王弼注唐孔穎達正義繫辭以下  
三卷題晉韓康伯注上下經兼義下連題上經乾傳

卷第一上經需傳卷第二

餘隨傳咸傳夬傳豐傳俱倣此

繫辭以下

則別行起附陸德明釋文一卷周易畧例一卷前有  
孔穎達周易正義序後有八論汲古閣本釋文畧例  
俱別刊唯萬厯北監本與此本俱附周易之後每葉  
十八行行廿一字版心下有刻字人姓名收藏有松  
陵王氏禹胄孫謀圖書朱文方印王氏禹胄朱文方

印孫謀王氏書畫朱文長印繩河朱文方印

毛詩注疏二十卷題漢鄭氏箋唐孔穎達疏毛詩國風  
四字汲古閣本在第四行此本在第二行漢鄭氏箋  
上前有詩譜序孔穎達毛詩正義序陸德明音義附  
於書中而不別出其名每葉十八行行廿一字板心  
下刻字人姓名同前

呂氏家塾讀詩記三十二卷前有嘉靖辛卯陸鉞序稱  
近得宋本柱史應臺傳公刻于南昌郡又有淳熙壬  
寅朱子敘盧氏羣書拾補所據以補萬厯癸丑南都  
刻本缺葉者卽此本也每葉廿八行行廿九字收藏  
有陳子龍印朱文方印穎川陳氏較定典籍之章朱

文長印練江陳昂之印朱文方印陳先生後人白文  
方印天都陳氏承雅堂圖籍朱文方印陳氏藏書子  
孫永寶朱文長印末卷後有康熙癸酉陳昂墨蹟二  
跋

周禮注疏四十二卷題漢鄭氏注唐賈公彥疏鄭氏注  
下又題陸德明釋文爲他經所無前有賈公彥周禮  
正義序結銜汲古閣本作唐散騎大夫此本作唐朝  
散大夫與宋本五經正義表合每葉十八行行廿一  
字板心下刻字人姓名同前

儀禮注疏十七卷題漢鄭氏注唐賈公彥疏前有賈公  
彥儀禮注疏序結銜亦作唐朝散大夫每葉十八行

行廿一字板心下刻字人姓名同前

儀禮注疏十七卷此卽前本而摹印稍在後卷一脫唐賈公彥四字卷七脫賈公彥疏五字卷八脫漢鄭氏注唐公彥疏九字卷十一脫唐賈二字卷十四脫唐字

儀禮注疏十七卷題漢鄭園注唐賈公彥疏後學廬陵陳鳳梧編校前有賈公彥儀禮注疏序結銜亦作唐朝散大夫鄭注釋文皆作小字疏字用小圓圈別之前本恒桓等字俱依宋本缺筆此本不缺黑口版每葉廿行行廿二字收藏有思日書齋白文長印諸邦正印白文方印貞叔諸氏收藏朱文長印

儀禮二十卷篆書不著寫人姓氏末卷後有口學廬陵  
陳鳳梧校刊一行儀禮經文十七篇又益以奔喪禮  
投壺禮深衣三篇每篇爲一卷每葉十八行行十三  
字收藏有煙客白文方印掃花庵藏書朱文方印棟  
亭曹氏藏書朱文長印

大戴禮記十三卷題漢九江太守戴德撰前有淳熙乙  
未韓元吉序每葉廿行行十八字宋諱俱有缺筆末  
卷後有嘉靖癸巳吳郡袁氏嘉趣堂重雕十三字收  
藏有蔣士宏印朱文方印顧氏循吉朱文方印

春秋公羊注疏廿八卷題漢何休學撰疏人姓名留黑  
蓋一行未刻何休序疏不刻入卷中亦題漢何休學

次行題明御史李元陽提學僉事江以達校刊前有  
景德二年中書門下牒徐彥公羊疏唐志不著錄宋  
崇文總目始稱或云徐彥明監本因之此本不著姓  
名頗勝於俗本每葉十八行行廿一字收藏有蕭山  
王氏珍藏朱文方印允達別字敬全白文方印

春秋穀梁注疏廿卷題晉范甯集解唐楊士勛疏范甯  
序疏亦不列入卷中桓恒等字俱從宋本缺筆每葉  
十八行行廿一字板心下刻字人姓名同前各本收  
藏有訥菴圖書白文方印

爾雅注疏十一卷題晉郭璞注宋邢昺疏前有邢昺爾  
雅注疏序每卷俱有下卷標題而不別爲卷汲古閣

本俱刪每葉十八行行廿一字板心下刻字人姓名  
同前各本

白虎通德論二卷題漢園武司馬班固纂集前有大德  
元年張楷序大德乙巳嚴度題前尙有嘉靖改元冷  
宗文序稱遼陽傅公希準乃正其誤而刻之太平以  
傳又稱公名鑰以給諫出守今本失此序每葉廿行  
行十六字余又以元刻十卷本校勘其上卽崇文總  
目晁氏讀書志所見本也

五經圖六冊不著卷數並撰人姓氏周易尙書詩禮記  
春秋五經之外益以周禮前有彭城賡聰氏序稱余  
忝訓廬江堂列石碑十二上載是圖得之江右信州

在前兼有木刻燬於兵火余乃索其遺帙仍舊梓成  
未有淮陰梁承祖跋稱此書載於信州頒宮至廬江  
學訓先生而廣其傳余重爲校訂用是殺青公諸國  
門尙書堯厯象圖下有云慶厯甲申至大明萬厯壬  
子共計五百四十九年梁氏此刻當在明萬厯四十  
年後收藏有大學士章白文方印夏言之印朱文方  
印考明史夏桂谿死於嘉靖廿七年下距萬厯四十  
年已六十四年其爲僞造無疑又有廣運之寶白松  
堂明卿氏白文方印兩朝講官陳仁錫朱文方印春  
草閣鑒賞圖書印朱文長印季振宜印朱文方印滄  
葦白文方印皆書賈僞造此書本無足存因尙未變

亂石本並爲前人珍秘姑錄之而辨其僞如此

六書本義十二卷題餘姚趙古則編注前有綱領一卷  
圖一卷始豐徐一夔序亦是重刊之本每葉小字廿  
八行行廿八字末卷後有秦川胡文質刊六字

新刊大廣益會玉篇三十卷前有總目第三十卷張士  
俊本凡四十七部此本增一雜字部如一部張本九  
字此本十二字上部張本九字此本十二字示部張  
本一百四十五字此本一百六十五字又每字之下  
添注其韻用小方圈以別之考其部分俱依洪武正  
韻其爲明人更改刊刻無疑黑口板每葉十八行行  
大字約十五字

大明正德乙亥重刊改併五音類聚四聲篇十五卷題  
渚陽松水昌黎郡韓孝彥次男韓道昭改併重編前  
有正德十五年建安滕霄序後有衍法寺沙門覺恒  
等重刊題名本讚嘉靖己未修補字板序說次泰和  
八年姪男韓道昇序後有五音改併增添明頭號樣  
十韻號頌檢篇入冊頌重編同編校正重校正等題  
名目錄後有三十六母再顯之圖新集背篇列部之  
字據滕霄序篇海集韻故刊於成化之初衍法寺覺  
恒重鈐諸梓而真空寶校正之併以貫珠集諸門法  
及安西劉士明切韻指南一卷正德乙亥告成黑口  
大字板每葉廿行行大字十六字小字卅二字

新校經史海篇直音五卷不題撰人名氏前有背篇列部之字據韓道昭四聲篇前有新集背篇列部之字𠂔字以上題云大金丙辰松水昌黎門人浚川竇慶進補添大明辛卯五月端陽日刊完乙字以下題辛卯重編增改雜部末又題崇慶己丑所集雜部至今成化辛卯刪補重編此本部分俱依篇海下及重編之字當是明成化以後人所撰黑口板每葉廿二行行大字約十八字

廣韻五卷不題撰人名氏前有天寶十載孫愐唐韻序廣韻永樂大典引有二本一日陸法言廣韻一日朱重修廣韻東字注引東不訾事重修本作舜七友此

本作舜之後與元熊忠韻會舉要引本相同重修本  
二十一欣此本作二十一殷在未避宋諱以前此卽  
永樂大典所稱陸法言原本明內府所刊朱竹垞謂  
中涓刪節本非也戴東原見顏亭林刊本去聲十八  
隊注代廢同用此本隊注代同用廢注獨用又與此  
本不同黑口板每葉十八行行大字約十六字

韻補五卷前有乾道四年徐藏序又韻補書目後有吳  
棫自識語末有刻韻補序書賈已剝去年月姓名序  
中稱從都太僕所獲嘉禾舊刻又重假楊儀部所藏  
參伍以校又自稱許子曰未知爲何人書中多用古  
字每葉十八行小字行十七字收藏有煙客朱文方

印萼鄉徐氏藏書記朱文方印如南山之壽白文方  
印子孫永保白文方印

大明正德乙亥重刊改併五音集韻十五卷題溇陽松  
水昌黎郡韓道昭改併重編前有崇慶元年姪男韓  
道昇序次崇慶元年改併五音集韻原序末不署名  
次隨唐長孫訓言郭知園孫恂舊序目錄前有論後  
有入冊檢韻術序文目錄標題俱冠至元庚寅重刊  
六字此本從元板翻雕與四聲篇同時並刊末附切  
韻指南一卷黑口大字板每葉廿行行大字十六字  
小字卅二字

洪武正韻十六卷前有洪武八年宋濂序凡例一卷同

修者樂韶鳳宋濂王僎李叔允朱右趙壘朱廉瞿莊  
鄒孟達孫蕢答祿與權凡六牋藁始成黑口板每葉  
十六行小字行廿四字

六子全書老子道德經二卷南華真經十卷沖虛至德  
真經八卷荀子二十卷新纂門目五臣音注揚子法  
言十卷中說十卷標題序文俱同宋刻巾箱本宋本  
四子注中有重言重意互注等目又卷首有圖說爲  
南宋人所撰者此本俱刪唯前有景定改元韻士  
序統論五子而不及列子當從別本移入  
洪頤煊曰  
書雜家類有五子纂圖互注四十二卷宋龔士禹編前有序題景定改元又題作老子道  
德經序殊失之不考大字本每葉十六行行十七字

板心上有世德堂刊四字末有嘉靖癸巳顧春刻六  
子書跋收藏有會稽鈕氏世學樓圖籍朱文方印  
六子全書標題序目俱同世德堂刊本末亦載顧春跋  
改大字作小字每葉廿二行行廿三字板心有六子  
全書四字刊當在世德堂本後收藏有楊中子兆登  
因先父印白文方印

劉向新序十卷劉向說苑二十卷前俱有曾鞏序兩本  
合刻每葉二十行行十八字 天祿琳琅藏本目錄  
在序前此本目錄在序後宋本新序每卷首有劉向  
銜名說苑前有劉向奏此本無之收藏有季振宜讀  
書朱文長印師竹齋圖書朱文方印

管子廿四卷題唐司空房園齡注前有劉向序又管子  
書序一篇稱余求善本幾二十年始得之友人秦汝  
立氏序末年月姓名書賈已剝去不知何人所作據  
凡例此本悉從宋本刊定不敢輕加更易亦明刻之  
佳者余又以黃蕘圃孝廉所藏瞿源蔡潛道宅本校  
勘其上與此本無大異唯幼官圖一篇前後更易稍  
爲不同每葉十八行行十九字

張寶德藏序末題萬曆壬午春  
三月前史官吳郡趙用賢撰

南華真經十卷題郭象子園注陸德明音義前有郭象  
序每葉十六行行十七字板式行款俱同世德堂六  
子刊本唯板心無世德堂刊四字有毛扆從宋栞本  
紅筆校字稱宋栞每葉廿行行十五字注倍之不載

音義足證此本脫譌收藏有小安樂窩白文方印邵  
恩多印白文方印沛霑朱文方印

新鐫葛稚川內篇外篇四卷卽所謂抱朴子也題金陵

張可大

或題志庵  
盧舜治

評校愼懋官閱前有盧舜治序稱

偶得宋本一王府本一藏本一殫力磨勘萬厯己亥  
歲古泉氏請付剗刪每葉廿行行廿字每卷下尙有  
藏本字號又有舊人硃筆校字據意林太平御覽諸  
書所引抱朴子補脫正譌處頗多不題年月名姓不  
知何人所書

太上黃庭內景玉經一卷自上清至沐浴三十六章太  
上黃庭外景經一卷分上中下三篇俱題梁邱子注

附黃庭內景五臟六腑圖說一卷題唐胡愔撰前有

梁邱子內景玉經序

洪頤煊曰宋史藝文志梁邱子注黃庭內景玉經一卷黃庭外

景經一卷唐書隱逸傳白履忠汴州浚儀人號梁邱子

萬歷癸未喬懋敬刻黃

庭內外景經注解序末有萬歷癸未程應魁王圻跋

每葉十六行行廿字硃砂搨本板心下有黃鶴樓雕

四字

神僧傳九卷自摩騰至元帝師膽巴凡二百八人不題

撰人名氏前後亦無序跋王圻續文獻通考神僧傳

永樂間命侍臣輯其言當有所據錢少詹載入元史

藝文志非也黑口板每葉廿四行行廿一字

墨子十五卷自親士至雜守七十一篇內缺節用下第

二十二節葬上第二十三節葬中第二十四明鬼上

第廿九明鬼中第卅非樂中第卅三非樂下第卅四

非儒上第卅八凡八篇又第五十一第五十四第五

十五第五十七第五十九第六十第六十四第六十

五第六十六第六十七凡十篇並篇目而亡之矣洪頤

煊曰書錄解題稱漢志七十一篇館閣書目有十五卷六十一篇者多譌脫不相聯屬是無題十篇宋本

已缺有題八篇前有嘉靖癸丑陸穩序江藩七十七缺當在宋本後

翁白賁柄敘末有南昌唐堯臣跋此本卽唐所刻也

每葉十六行行十七字收藏有枕經閣朱文長圓印

呂氏春秋廿六卷題高氏訓解明雲間宋邦父張邦瑩

徐益孫何三畏校前有王世貞序方孝孺讀呂氏春

秋一篇又高誘原序每葉廿行行廿字

淮南鴻烈解二十八卷題漢太尉祭酒許慎記上後學  
劉績補注後學王溥校刊卽高誘注本前有高誘序  
亦不署名末有因治辛酉劉績識語稱據他書補數  
千字改正數百字刪去百字據各家淮南俱廿一卷  
唯金陵朝天宮道藏本黃堯圃孝廉所藏宋本俱作  
廿八卷與此本同注文亦無刪落黑口板每葉十八  
行行十七字

論衡卅卷題王充二字末有慶厯五年楊文昌序稱先  
得俗本七率廿七卷又得史館本二各卅卷然後互  
質疑譌又爲改正塗注凡一萬一千二百五十九字

此本卽從楊本翻雕每葉廿行行廿字板心下有通  
津草堂四字末卷後有周慈寫陸奎刻六小字收藏  
有嘉靖己未進士夷齋沈瀚私印朱文方印

中華古今注三卷題國子監太學博士馬編集目錄前  
有小序此乃宋左圭百川學海中的一種百川學海  
据左圭自序宋時有刊本此本驗其板樣當是明人  
所刊余別有百川學海不完本紙色字畫皆不及此  
本之善每葉廿四行行廿字收藏有元美白文方印  
又有文氏天祥白文方印是書賈僞作

北溪先生字義二卷附錄嚴陵講義四篇目錄前題門  
人清源王雋編北溪宋陳淳號卷末有文山林同跋

稱舊本歲久字漫公暇特加考正命工刻梓不著年月宋史有林同附見林空齋傳官至監丞明史有林同附蔡清傳萬姓統譜有林同天順進士官至廣東布政未知誰氏所作驗其摹印紙色當出於明代疑卽四庫全書所稱因治庚戌重刻本黑口板每葉廿行行廿一字收藏有克庵朱文方印快閣主人朱文方印豫園主人白文方印

東觀餘論二卷上卷題法帖刊誤左朝奉郎行祕書省祕書郎黃伯思撰大題下俱題秀水項篤壽重校總目前有嘉定年樓鑰序末有紹興丁卯黃訥跋序與每卷後有建安漕司刻梓六字又前有序稱川本去

卅一篇云云後有跋稱是書刊於庚午之秋俱不題年月名氏核以書中皆建安本所有此本又明項篤壽從建安本翻雕序跋卷尾有嘉禾項氏萬卷堂梓三長方木印一圓木印一方木印一長圓木印字畫精工流傳絕少內府天祿琳琅亦珍藏之每葉十八行行約十七字

武經總要前集二十二卷後集二十一卷行軍須知二卷前有宋仁宗序後有紹定四年趙休國跋紹定辛卯鄭魏挺跋據仁宗天章待制曾公亮等同加編定司天監楊惟德等參考舊說其勒成四十卷內制度十五卷邊防五卷故事十五卷占候五卷目曰武經

總要晁氏讀書志陳氏書錄解題卷數俱同此本前  
集廿二卷目錄作廿卷尙是原本之舊趙休國跋稱  
武經總要條目故事凡四十四卷此本共四十三卷  
分爲前後集則又非宋本之舊矣行軍須知前有正  
統四年李進序稱是書永樂初李公元凱已壽諸梓  
是亦舊人所作黑口板每葉廿行行廿一字

武經直解廿五卷孫武子三卷吳子二卷司馬法三卷  
唐太宗李衛公問對三卷尉繚子五卷黃石公三畧  
三卷六韜六卷題前辛亥科進士太原劉寅解前有  
成化廿二年李敏序洪武壬午序無撰人姓名洪武  
戊寅劉寅自序又有讀法一卷凡例一卷陳圖一卷

國名一卷附錄一卷武經七書世無善本此本從宋  
國子司業朱服本校定寅復加訂正故經文譌舛最  
少黑口板每葉廿行行廿字末有成化丙午知保定  
府趙英跋後有嘉靖十六年三月知保定府旌德汪  
堅重修十七字

山海經十八卷題郭氏傳每卷俱大題前有郭璞山海  
經序總目每篇下皆有本文及注字數後有劉秀山  
海經奏余以別本相校惟此本與宋本相同每葉廿  
四行行廿字收藏有中吳錢氏收藏印朱文方印介  
石朱文長印錢氏叔寶白文方印循齋白文方印  
三輔黃圖六卷前有原序不題撰人姓名又有嘉靖己

未劉景韶序稱三輔黃圖舊有華容嚴公刻本厯歲滋久字漫漶莫可讀余故重刻之卷三後有以上參校古本諸書補正四十二字卷六後有以上參校古本諸書補正九十六字二行爲別本所無當卽劉氏所校正末有嘉靖己未江山跋前又有萬厯乙酉郭子章合刻秦漢圖記序稱此書併西京雜記刻於粵中是又從劉氏本翻刻也每葉十八行行十八字大明一統志九十卷前有天順五年御製序文勅修官銜名李賢彭時呂原進大明一統志表大明一統志圖敘大字黑口板每葉廿行行廿二字

廣輿圖一冊前有元朱思本輿圖舊序次廣輿圖序稱

偶得元人朱思本圖其圖有計里畫方之法於是增其未備因廣其圖至於數十云云不題撰人姓氏據漕運圖下載歲運額數自洪武卅年至嘉靖元年止又總圖王府祿米下云以上係嘉靖卅二年十月前數明史藝文志有羅洪先增補朱思本廣輿圖二卷當卽此書

古今遊名山記十七卷題括蒼何鏜振卿甫編輯廬陵吳炳用晦甫校正前有嘉靖四十二年黃佐吳炳王世貞王穉登四序總錄三卷末有嘉靖四十年何鏜序萬厯五年蔡文範跋此書錄前人名山游記及自記所經游者合爲一編雖出明人所撰而刻手工整

名二  
頗可觀覽 天祿琳琅亦藏此本因錄存之每葉廿八行行廿七字

重刊巢氏諸病源候總論五十卷題隋太醫博士巢元方撰前有翰林學士宋綬序晁氏讀書志稱元方大業中被命與諸醫共論衆病所起之源皇朝昭陵時校本刻牘頒行宋綬爲序目錄後有歙巖鎮汪氏主一叅校刊木印 四庫全書所錄爲明汪濟川方鑑刊本此本卷一巢元方銜名後當有汪方二人名已爲書賈剝去每葉廿行行十九字

重修政和經史證類備用本草卅卷題成都唐慎微續證類中衛大夫康州防禦使勾當龍德宮總轄修建

明堂所醫藥提舉入內醫官編類聖濟經提舉大醫學臣曹孝忠奉敕校勘每卷題下有已酉新增衍義六字前有政和六年御製重刻證類本草序政和六年曹孝忠新修經史證類備用本草序所出經史方書三葉目錄一卷本草今世所傳有兩本一大觀本一政和本其實皆一書唯前序異耳別本有大定己酉麻革序及劉祁跋並稱平陽張存惠增入寇宗奭本草衍義元大德所刻大觀本亦有之黑口大字板每葉廿四行行廿三字

重修政和經史證類備用本草三十卷標題及每卷題下注字所出經史方書目錄俱同前大字本前有商

輅序稱經史證類本草舊有龐氏得其善本後平陽張存惠因龐氏本附以宗奭衍義爲之板行今山東按察僉事茂君彪購求得之副都御史原君傑命工重鋟諸梓末年月姓名已爲書賈剝去末卷後有龍飛萬厯己卯春□□□新梓木長印每葉廿行行廿一字板心上有大觀本草四字

鼎雕銅人胸穴鍼灸圖經三卷題錦城紹錦徐三友校正書林宗文堂繡梓前有正統八年御製序晁氏讀書志有此書云皇朝王維德撰據序文宋天聖刻諸石復範銅肖人於今四百餘年石刻漫滅銅像昏暗乃命重作此又坊間梓而行之尙是未改變原本勝

於今世所行七卷本多矣每葉廿行行廿五字

千金寶要六卷前有隆慶六年秦王守中序云千金寶  
要者宋徽猷閣直學士郭思按唐孫真人先生所集  
千金方中纂要者也自婦人至痔凡十七篇第六卷  
千金論千金須知題小有居士河陽郭思纂此書宋  
宣和六年刻石於華州明景泰六年復易刊木板秦  
王旣刻諸梓復刊石於耀州真人洞此卽耀州石刻  
本末有跋後題委官李海立生員謝沾書祝禔鄒鳳  
臯刻

律條疏議三十卷前有序文稱四明張公式之因歷官  
憲府考訂始末述沿革之由著律文之義設問答以

辨其疑爲總說以詳其意編次成書名曰疏議又稱  
西江僉憲宗魯宋君募其寫本繕錄鋟梓序文末葉  
已缺不知何人所作據明史洪武初命儒臣詳定明  
律其篇目一準於唐至洪武廿二年始分吏戶禮兵  
刑工六律而以名例冠於篇首此本名例在前當作  
於改編之後黑口板每葉廿二行行廿四字

史記百三十卷小題在上大題在下前有裴駟史記集  
解序小司馬補史記序史記目錄一卷張守節正義  
論例諡法解一卷小司馬三皇本紀一卷史記列傳  
各本俱以伯夷爲第一此依正義本以老子爲第一  
每葉廿行行十八字每卷後或注史計若干字注計

若干字宋諱俱缺筆係明人仿宋重雕本裴駟集解  
序後史記目錄後俱有補痕當有木印以記刻書年  
月姓名爲書賈剗去收藏有欽訓堂書畫記白文長  
印

漢書百卷小題在上大題在下題漢班固撰唐顏師古

注明福建按察司按察使周采提學副使周琬巡海

副使柯喬校刊

亦有題汪文盛高澂  
傳汝舟三人姓名

前有顏師古漢

書序例一卷目錄一卷末卷後有嘉靖己酉年孟夏

月吉旦侯官縣儒學署教諭事舉人廖言監修注中

載原父貢父仲馮三劉之說俱以黑蓋子別之錢少

詹云趙廣漢傳長老傳以爲自漢興以來治京兆者

莫能及北宋乾興本無以來二字此本雖有之其增

添痕迹分明故知此本原出於北宋

洪頤煊曰五行志南監本思心

之不容又云容寬也此本兩容字俱作容地理志遼

東郡番汗下南監本沛水出塞外西南入海此本沛

水上有應邵曰三字據宋本作沛水出塞外西南入

海應邵曰汗水出塞外西南入海引應邵者以證沛

汗之異此本無上沛水九字下汗水故每葉廿四行

作沛水與上文誤併爲一皆傳刻之譌

行廿二字收藏有厲鶚朱文小連珠印

漢書百卷小題在上大題在下題正議大夫行祕書少

監琅邪縣開國子顏師古注大題中間間有班固二

字前有漢書序例一卷目錄後并卷末尾葉疑有題

識已爲書賈剝去唯地理志卷第八下司馬相如傳

卷第廿七上王貢兩龔鮑傳第四十二題漢班固撰

唐顏師古注明歐陽鐸刊田汝成重校歐刊本無三  
劉說田補刊俱羸入當條之下其有當條不能容者  
附刊於每卷之後每葉廿行行廿二字鐸字崇道泰  
和人正德戊辰進士厯官吏部右侍郎贈工部尙書  
諡恭簡

後漢書百三十卷題南宋范曄撰唐太子賢注明福建  
按察司按察使周采提學副使周琬巡海副使柯喬  
校刊小題在上大題在下前有目錄一卷梁劉昭注  
補續漢書八志序各本俱失刊此本有之洪頤煊曰  
宙太山都尉顧亭林朱竹垞所見皆作備備字公每  
緒別是一人此本作宙與漢碑合足訂俗本之謬  
葉廿四行行廿二字收藏有厲鶚朱文小連珠印

班馬異同卅五卷題宋倪思撰元劉會孟評明李元陽校前有目錄一卷後有永樂壬寅楊士奇跋嘉靖丁酉汪佃序據楊汪兩跋此書本名史漢異同不題撰人姓名舊未有刻本李元陽付梓據文獻通考題作倪思改名班馬異同洪頤煊曰史記司馬相如列傳壁立今本無成都二字惟此本與南宋大字本有之每葉十八行行十九字史記大字作正文漢書小字注末後有嘉靖十六歲次丁酉山人高澂覆校十五字收藏有新安汪氏朱文方印啟淑信印白文方印

舊唐書二百卷題監修國史推誠守節保運功臣特進守司空兼門下侍郎同中書門下平章事上柱國譙

國公食邑五千戶食實封四百戶臣劉駒等奉勅修  
皇明奉勅提督南畿學政山西道監察御史餘姚聞  
人詮校刻蘇州府儒學訓導門人嘉興沈桐同校前  
有聞人詮序稱弭節姑蘇得列傳於光祿張氏長洲  
賀子得紀志於守溪公遺籍俱出宋時模板乃督同  
蘇庠嚴爲校刻肇工於嘉靖乙未卒刻於嘉靖戊戌  
又有嘉靖十七年楊循吉序文徵明序并惠借藏書  
捐俸助膳分番校對出貲經費姓氏每葉廿八行行  
廿六字吳門黃堯圃孝廉所藏有不全宋本每葉廿  
八行與此本同收藏有養和堂印白文大方印白鶴  
主人朱文大方印

漢紀三十卷題荀悅著呂柟校正目錄後有悅序前有  
何大復序稱是書余得之侍讀徐子容氏世無刻本  
余至關中涇野子呂仲木氏移書求之乃遂請呂子  
校正而付高陵令翟清氏刊布焉序末年月姓名已  
爲書賈剗去此書近世有蔣氏刻本高帝紀蕭何無  
有汗馬之勞徒持文墨論議而已史記漢書皆作文  
墨蔣本改作文物宣帝紀昔周公躬吐握之勞故有  
周室之隆蔣本反據俗本漢書改周室作園空皆不  
及此本每葉廿行行廿四字收藏有馮彥淵收藏記  
朱文橫方印知一印白文小方印

元經薛氏傳十卷題阮逸注前有河東薛收序王通元

經本九卷末卷收所續也元經有明程榮刊本經元  
康二年賈庶人殺太后於金墉城永康元年癸酉倫  
殺皇太孫程本殺俱作弑永康元年立皇孫臧爲皇  
太孫程本臧誤作減永興元年顯將方劫帝幸長安  
程本方上有張字案傳云張去姓何也則原本無張  
字此單行本皆勝於程本每葉廿四行行廿二字收  
藏有辛巳白文長印琴書自娛朱文長印

古史六十卷分本紀七世家十六列傳卅七小題在上  
大題在下前後有蘇氏原序志審其紙板當是明嘉  
靖以前所刊後有缺葉又補成之大字本每葉廿二  
行行廿二字

司馬溫公經進稽古錄廿卷進字空一格前有因治辛酉黃珣序溫公進稽古錄表朱文公與鄭知院書又語錄中語一條末有因治辛酉楊璋序書錄解題云越本彙聚諸論於一卷潭本則分係於各代之後此本次第同潭本黑口板每葉廿行行廿字收藏有雪晴叅藏書記朱文大長印

通鑑紀事本末四十二卷目錄一卷題宋建安袁樞編明巡按湖廣監察御史豐城李枋校刊前有淳熙元年楊萬里序寶祐丁巳趙與憲序延祐六年陳良弼序萬厯二年李枋重刻通鑑紀事本末序此書楊誠齋所序者嚴陵小字本趙節叅重刻改爲大字明南

京國學所藏卽節叅本也歲多漫漶殘缺李拭復加  
校正因酌損其板而重刻焉每葉廿四行行廿八字  
世說新語上中下三卷每卷又分上下題宋臨川王義  
慶撰梁劉孝標注前有嘉靖乙未袁褰序稱余家藏  
宋本是放翁校刊本謝湖躬耕之暇手披心寄自謂  
可觀爰付梓人公之同好序後有時萬厯己酉春周  
氏博古堂刊十二字此書世無完本張懋辰刻正文  
與注俱多刪落唯此本特爲完善每葉廿行行廿字  
后鑒錄三卷題京本前有嘉靖二年謝蕡序有三山之  
英惟成嘉靖龍飛首策進士三木印後有嘉靖二年  
陶麟跋書紀趙風子張偉何錦劉瑾劉吉等定罪籍

沒始末皆錄京本檔冊不加論斷蓋所撰也每葉廿  
行行廿字收藏有幼貞吳氏家藏白文長印

大唐六典三十卷首行題御撰次行題集賢院學士兵  
部尚書兼中書令修國史上柱國開國公臣李林甫  
等奉敕注上小題俱與大題相連前有正德乙亥王  
鏊重刊六典序末有紹興四年溫州州學教授張希  
亮校正永嘉縣主簿詹棫題誌每葉廿四行行廿字  
收藏有竄曲田安鑒藏朱文長印春水船白文方印  
不足齒之僮耳白文方印鷗心鶴貌翁白文方印沂  
山漁父朱文方印

杜氏通典二百卷題唐杜佑君卿纂明御史後學李元

陽仁甫校刊大題下有增入宋儒議論六小字前有  
唐李翰杜氏通典序目錄一卷天文地理歷代傳繼  
世次紀年等十八圖杜佑唐書本傳增入宋儒議論  
姓氏自歐陽修至葉適其廿一家增入者卽前元刻  
詳節本又有福州校刻官生姓氏此本字畫清晰較  
勝俗刻卷一百後有大德丁未李仁伯跋稱錦山楊  
公牧臨川乃命諸學院協力刊成自廿六至百共七  
十五卷區區點勘再四凡正一千七百六十八字刪  
三百廿三字增三百八十八字唯增入宋儒議論致  
失本書面目良可惋惜每葉廿行行十八字

文獻通考三百四十八卷題宋鄱陽馬端臨貴與著明

二 卷二  
三  
蕲陽馮天馭應房校刊前有至大戊申李謹思序延祐六年王壽衍進文獻通考表至治二年下樂平州鈔白發端一卷目錄一卷每葉廿六行行廿四字收藏有卓顯卿白文方印

至大重修宣和博古圖錄三十卷前有序云爰屬掌鹽司者黃君景星再博佳木而翻刊之末行已爲書賈所剗據 天祿琳琅是嘉靖七年蔣暘撰 內府所收萬厯卅一年吳公宏本已稱流傳稀少吳本卽從蔣本翻雕則此本尤可寶重大字本每器俱注元樣製減小樣製別本縮爲小字故悉刪之序跋每葉十六行行十七字

泊如齋重修宣和博古圖錄卅卷前有萬厯戊子程士  
莊序 天祿琳琅有泊如齋重修考古圖稱其刊刻  
極精此書疑其同時並刻之本面葉題丁南羽吳左  
千繪圖劉季然書錄南羽丁雲鵬字也敘說每葉十  
六行行十七字

厯代鐘鼎彝器款識法帖廿卷目錄前有崇禎癸酉朱  
謀聖序稱得山陰錢德平所藏尙功手書本授梓後  
有靈武幹王倫徒克莊王行趙孟頫楊伯岳周密柯  
九思張天雨周伯溫豐坊各親款題識摹刻精工阮  
雲臺中丞重刊是書僅得影寫本則此本彌可珍貴  
矣目錄并每卷凡每器俱有總題

如題商鼎下列庚  
鼎辛鼎題商尊下

列象尊父  
乙尊之類

俗本皆無之收藏有黃氏鑒賞圖書朱文

長印桐華主人藏書印朱文長印愛閒居士朱文印

留餘堂白文方印留爲永寶朱文方印

歷代帝王法帖釋文考異十卷

此據第一卷餘卷俱依閣帖原題

題武

陵顧從義編并書太原王常校前有太原王穉登序  
新都王常書此書專釋淳化閣本法帖裒集諸家所  
刻辨其同異毫髮必審摹刻精工初印本流傳甚少  
大字每葉十八行十九字收藏有嚴氏公奕朱文方  
印松陵朱柳塘珍藏白文方印

秦漢印統八卷題鄣郡羅王常延年編新都吳元維伯

張校

或題武陵顧晉亭伯明校

前有萬歷戊申臧懋循序乙亥王

穉登序隆慶辛未黃姬水序臧序稱自雲間顧氏印  
藪行於世一時摹印者咸自侈其法古於是太原王  
常氏遍購諸博古家積若干稔增廣若干冊以授新  
安吳元維氏合刻之命曰印統凡例三葉舊序一卷  
印文皆用硃搨卷一後有萬厯丙午春王正月望日  
新都吳氏樹滋堂繡梓新安程利見元龍新安潘最  
茂卿同校四行字板心下有吳氏樹滋堂五字

初學記卅卷目錄前題唐光祿大夫行右散騎常侍集  
賢院學士副知院事東海郡開國公徐堅等撰大明  
萬厯丁亥太學生徐守銘重校於寧壽堂梓行前有  
茅坤序稱錫山安氏故有刻本久且漫漶而徐光祿

父子別爲梓而傳之此本卽從安氏桂坡館本翻雕  
余以元板本校之知此本刪改脫落荒謬殊甚每葉  
十八行行十八字板心上有寧壽堂三字

太平御覽一千卷目錄十卷圖書綱目一卷題翰林院  
學士承旨正奉大夫守工部尙書知制誥上柱國隴  
西縣開國伯食邑百戶賜紫金魚袋臣李昉等奉敕  
纂銜後空二行前有慶元五年蒲叔獻序李廷允跋  
別本前有萬厯元年黃正色序稱宋世刻本俱已湮  
滅海內鈔本譌舛益甚吾錫士大夫因閩省梓人用  
活字校刊始事於隆慶二年至五年纔印其十之一  
二閩人散去於是浙人倪炳文鋟諸梨棗弗克終事

薛憲副應登有校得善本藏於家塾仲子逢繕寫付梓云云 四庫全書稱活字印本其板心稱共印五百部此本無之然細審此本有用活字摹印有係補刻葉當卽倪氏續定之本黃氏序收藏偶失耳每葉廿二行行廿二字

新編纂圖增類羣書類要事林廣記前集十卷後集十卷前有序文稱閩方伯瑞安鍾公景清取事林廣記是定其舊本而增新焉後不書年月姓名不知何人所撰書中曰大元者原書也曰大明曰國朝者明人所續也大畧與事文類聚相同黑口板每葉廿六行行廿三字收藏有傳是樓朱文長印崑山徐氏鑒藏

朱文長印乾學朱文方印徐健庵白文方印崑山徐氏乾學健庵藏書白文方印

經籍考七十六卷題鄱陽馬端臨貴與著此卽文獻通考中之一門後人別刻單行審其紙板當出於明代嘉隆以前黑口板每葉廿行行十九字收藏有口雷白文方印吳門王獻臣家藏書印朱文長方印詩禮傳家朱文方長印王氏圖書子子孫孫永寶之朱文方印虞性堂書畫印朱文長印

六臣注文選六十卷題梁昭明太子蕭統撰唐李善呂延濟劉良張銑李周翰呂向注前有昭明太子文選序呂延祚開元六年進五臣集注文選表上遣將軍

高力士宣口敕顯慶三年李善上文選注表目錄一卷文選序前六臣俱有銜名目錄前又題宋奉議大夫崔孔昕奉議大夫党馨承直郎朱守行承事郎郭宗器同校每葉十八行行十八字

六臣注文選六十卷題同前本前有昭明太子文選序次呂延祚開元六年進五臣集注文選表上遣將軍高力士宣口敕顯慶三年李善上文選注表諸儒議論一卷題古迂陳仁子輯又前有嘉靖廿八年田汝成重刻文選序稱錢唐洪君子美得宋本而重鋟之校讎精緻逾於他刻每葉廿行行十八字

玉臺新咏十卷題陳尙書左僕射太子少傅東海徐陵

字孝穆撰前有徐陵序後有嘉定乙亥永嘉陳玉父  
後序稱得舊京本豫章刻本石氏藏本補亡校脫於  
是其書復全此本又明人從玉父本翻雕字畫精工  
與宋本無異每葉卅行行卅字收藏有任邛龐氏藏  
書朱文方印龐塏之印白文方印史官朱文方印吾  
邛壽王臺畔人家朱文長印見在龐公白文方印

古文苑卅一卷前有紹定壬辰章樵序書錄解題稱不  
知何人集皆漢以來遺文史傳及文選所無者世傳  
孫洙巨源於佛寺經龕中得之韓无咎類次爲九卷  
刻於婺州此本卅一卷乃樵作注時更定黑口板每  
葉廿行行十八字

重校正唐文粹一百卷題吳興姚鉉纂目錄前有鉉文粹序卷末有嘉靖六年張大輪木長印題識稱文粹閩坊舊本舛不可句蘇州近本視昔加善此本從蘇州本校刊每葉廿八行行廿五字收藏有黃燦之印白文方印惟含氏朱文方印

朱文鑑一百五十卷題朝奉郎行祕書省著作佐郎兼國子院編修官兼權禮部郎官呂祖謙奉聖旨鉉次前目錄三卷末有嘉靖七年晉藩養德書院識錢少詹日記鈔所見明嘉靖五年晉府至道堂刊本前有周必大奉敕撰序及呂祖謙進書劄子謝賜銀絹除直祕閣表此本無之前有天順八年商輅序亦係後

人據別本鈔補非此本所有黑口板每葉廿六行行  
廿一字

蔡中郎集十卷外傳一卷題漢左中郎將蔡邕伯喈撰  
前有天聖癸亥歐靜序稱唐書藝文志泊吳氏西齋  
書目並云邕集十五卷今之所傳纔十卷亡外傳計  
六十四篇此本止六十三篇無宗廟頌贊一篇又外  
傳八篇不在數中目錄後有正德乙亥春三月錫山  
蘭雪堂華堅允剛活字銅板印行廿二字末卷後亦  
有唯不署年月洪頤煊曰天祿珠珎有白氏長慶集錫山蘭雪堂華堅活字銅板印本  
錢氏日記鈔有容齋五筆宏治八年錫山華煜序板心有會通館活字銅板八字每篇題作  
單行正文作雙行每葉十四行行十三字

蔡中郎文集十卷外傳一卷題漢左中郎將蔡邕伯喈撰前有天聖癸亥歐靜序亦無宗廟頌贊一篇此卽從前本翻雕而字句較完善世有八卷六卷之本殘舛譌脫不可寓目每葉十八行行廿一字

曹子建集十卷題魏陳思王曹植撰前有吳郡徐伯刺序不署年月稱郭子萬程雅好是集刊布以傳萬程閩清人嘉靖己未進士官刑部主事見明詩綜末有曹集疑字音釋二葉卽晁氏讀書志所見本每葉十八行行十七字收藏有吳氏蓮星閣藏書朱文長印嵇中散集十卷每卷目錄在前前有嘉靖乙酉黃省曾序稱校次瑤編彙爲十卷疑此本爲黃氏所定然考

王楸客叢書已稱得毘陵賀方回家所藏繕寫十卷  
本又詩六十六首與王楸客所見本同此本卽從宋  
本翻雕黃氏序文特誇言之耳每葉廿二行行廿字  
板心下方有南星精舍四字收藏有世業堂印白文  
方印繡翰齋朱文長圓印

陸士衡文集十卷陸士龍文集十卷前有慶元庚申徐  
民瞻晉二俊文集序稱得機集於淮西撫幹林君又  
得雲集於冊府晁氏讀書志陳氏書錄解題所見本  
卷數俱與此同每集後有正德乙卯都穆跋每葉廿  
行行十八字

梁昭明太子文集五卷題梁昭明太子撰

第三  
行

大明遼

國寶訓堂重梓

第二行

明成都楊慎周滿東吳周復俊

皇甫汈校刊前有梁簡文帝昭明太子集序梁劉孝  
綽昭明太子集序梁簡文帝上昭明太子集別傳等  
表梁蕭子範求撰昭明太子集表二表皆周滿補入  
原編所無末有淳熙八年袁說友跋嘉靖乙卯周滿  
後序昭明集宋志本作五卷別有明葉紹泰六卷本  
收入四庫全書者詩文參差互異不及此本之古  
每葉十六行行十六字

陳伯玉文集十卷附錄一卷題新都楊春重編射洪楊  
澄校正前有唐盧藏用序据重刊本前後當有張頤  
楊澄序跋此本無之目錄分五卷以前爲前集以後

爲後集 四庫全書陳拾遺集十卷缺禡牙文榮海

文弔塞上翁文祭孫府君文據文苑英華鈔補此本

猶完其餞陳少君序目錄本注缺文非脫葉也洪頤煊曰

附錄中有陳子昂別傳一首不題作者據文苑英華是盧藏用所撰餞陳少君序一篇文苑英華序類有

此文黑口板每葉廿二行行廿一字

張說之文集二十五卷前有永樂七年伍德序後有嘉

靖丁酉冬十月朔旦椒郡伍氏龍池草堂家藏本校

刊廿二字又張九齡撰燕國公墓誌銘并序一篇新

唐書藝文志晁氏讀書志陳氏書錄解題集本三十

卷此本止廿五卷 四庫全書蒐輯唐文粹文苑英

華諸書所藏在此集之外者得頌箴表疏等六十一

首足證此本缺佚尙多每葉廿行行廿字收藏有落花三徑雨鳴鳥半牀書朱文方印鷺水浪仙書籍之印白文方印

王摩詰集十卷前有王縉進表代宗批敕晁氏讀書志陳氏書錄解題皆卽此十卷之本陳氏云建昌本與蜀本次序皆不同大抵蜀刻唐六十家集多異於他處本而此集編次尤無倫今本卷一至卷六爲賦與詩卷七以下爲表狀書序記讚文碑墓誌編次皆有條理疑從建昌本翻雕每葉廿行行十八字收藏有扶風朱文方印馬氏叢書樓珍藏圖記朱文方印高常侍集十卷前後無序跋賦與詩八卷文二卷 四

庫全書影宋鈔十卷之本七言絕句無聽張立本女吟一首此本有之當別是一本每葉廿行行十八字收藏有江左朱文小長印子孫保之朱文葫蘆印福  
□叁藍文長印

岑嘉州集八卷前有唐杜確序稱區分類聚勒成八卷陳氏書錄解題無此集而晁氏讀書志有之亦引杜確序惟作十卷與此本不同每葉廿行行十八字此與王摩詰高常侍兩集皆同時並刻之本收藏有古吳朱文小葫蘆印無礙散人白文方印子孫保之朱文葫蘆印

集千家注杜工部詩集廿卷題大明嘉靖丙申明易山

人校刻前有宋王洙王安石胡宗愈蔡夢弼舊序四篇一卽前元板須溪批點高楚芳編本刪去圈點改作大字本 天祿琳琅所收後附文集二卷又載甫墓誌本傳二篇此本無之又一部標題次行題玉凡山人校刊亦與此本不同每葉十六行行十七字

顏魯公文集十五卷附補遺一卷年譜一卷行狀一卷碑銘一卷舊史本傳一卷新史本傳一卷題錫山安國刊前有嘉靖二年楊一清序劉敞顏魯公文集序後有留元剛序嘉靖癸未都穆序此集據劉敞序本十五卷後留元剛僅得十二卷附以補遺年譜行狀明都穆復重爲編次仍作十五卷以符舊集之數碑

銘新舊史本傳則又穆所附益也每葉廿行行廿字  
板心上有錫山安氏館五字收藏有吳周之奩圖書  
朱文方印吳周之奩朱文方印周燕生氏白文方印  
昆山周氏家藏經籍朱文長印顧氏伯念白文方印  
唐劉隨州詩集十一卷末卷爲文題隨州刺史劉長卿  
前後無序跋卷二送河南元判官赴河南勾當苗稅  
充百官俸錢詩不書勾字注云御名是避宋高宗諱  
構嫌名知此本從南宋本翻雕 四庫全書所收本  
有外集一卷此本無之每葉廿行行廿字收藏有留  
耕堂朱文長印朱之赤印白文方印子孫保之朱文  
方印朱之赤印白文大方印臥庵老人白文大方印

休寧朱之赤印珍藏圖書朱文長印馮子園家藏朱  
文長印劉氏惟喆珍藏朱文方印敬一主人朱文方  
印清賞無厭白文方印劉氏家藏朱文方印子孫保  
之白文圓印

河東先生集四十五卷目錄一卷題夔州刺史劉禹錫  
編末附集傳一卷外集二卷龍城錄二卷附錄二卷  
前有劉禹錫河東先生集序每卷後俱有東吳郭雲  
鵬校壽梓木長印宋刊本唐柳先生集四十三卷此  
并入非國語二卷故四十五外集增處士段宏古墓  
誌三篇附錄篇目與宋本不同龍城錄宋本所無也  
注不題撰人名氏郭雲鵬明嘉靖時人每葉十八行

行十七字板心下方有濟美堂三字

唐劉賓客詩集六卷題太子賓客禮部尙書劉禹錫夢得撰前後無序跋與上隨州詩集同時並刊之本每葉廿行行廿字收藏圖書俱同

孟東野詩集十卷題唐山南西道節度參謀試大理評事武康孟郊著明進士文林郎知武康縣事無錫秦禾重刻曾孫秦伯欽鑑藏板目錄前有常山宋敏求序不題年月景定壬戌天台國材序景定壬戌舒岳祥贈詩一首嘉靖丙辰秦禾刻孟東野詩集序此本國氏得宋敏求定本錢梓秦氏又從國本翻刊卷帙行款尙是宋本之舊末附與韓退之聯句十首不在

目錄中者亦宋敏求原編所有每葉十八行行十八字收藏有愛日堂藏書朱文方印

樊川文集二十卷外集一卷別集一卷題中書舍人杜牧字牧之前有裴延翰序別集前有熙寧八年田槩序集本廿卷晁氏讀書志有外集一卷王漁洋居易錄見宋雕本有續別集三卷此本無續別集而有外集別集各一卷外集晁氏本所有別集田槩所益與居易錄所見別一本每葉廿行行十八字

孫可之文集十卷每卷目錄在前前有中和四年樵自序正德丁丑王鏊序稱內閣祕本手錄以歸戶部主事王君直夫請刻以傳末有丁丑三月王謬跋直夫

卽諤字也每葉廿四行行廿一字

唐皮日休文藪十卷前有柳開序皮日休自序云咸通丙戌中日休射策不上第退歸州來別墅編次其文又云凡二百篇爲十卷此本卽其所自定文九卷詩一卷已見松陵唱和集者不在卷中每葉廿二行行廿字

歐陽文忠公全集一百五十三卷內分居士集五十卷外集廿五卷易童子問三卷外制集三內制集八卷表奏書啟四六集七卷奏議集十八卷雜著述十九卷集古錄跋尾十卷書簡十卷又附錄六卷不在數中前有蘇軾居士集序集古錄目序六一先生小影

四朝國史本傳廬陵歐陽文忠公年譜後有胡柯記  
又有周必大序稱歐陽文忠公集自汴京江浙閩蜀  
皆有之後世傳錄旣廣又或以意輕改殆至譌謬不  
可讀廬陵所刊抑又甚焉今郡人孫謙益承直郎丁  
朝佐徧搜舊本傍采先賢文集與鄉貢進士曾三異  
互加編校起紹熙辛亥春迄慶元丙辰夏成一百五  
十三卷別爲附錄五卷疑當作六卷未有編定校正孫謙  
益等四人銜名覆校葛深等八人銜名每卷首皆小  
題在上大題在下卷後皆有攷證卷百五十三後有  
嘉靖庚申何遷重刻跋每葉廿行行廿字

蛟峰集七卷附山房先生遺文一卷外集四卷蛟峰方

逢辰字逢辰登宋淳祐十年進士官禮部尚書山房  
則其弟逢振也前有天順七年錢溥序拱辰跋嘉靖  
甲午胡宗明序黑口板每葉廿行行廿二字

花間集十卷題銀青光祿大夫行衛尉少卿趙崇祚集  
後有紹興十八年晁謙之跋每葉廿行行十八字每  
句讀有小圈點明毛晉重刻宋本前有蜀翰林學士  
中書舍人歐陽炯序後有陸游二跋此本無之收藏  
有方外司馬白文方印雲壑白文方印

類編草堂詩餘四卷題武陵逸史編次開雲山農校正  
有嘉靖庚戌何良俊序稱顧子汝所刻是編乃其家  
藏宋刻本比世所行本多七十餘調附以詞話爲汲

古閣本所無每葉廿二行行十九字

文心雕龍十卷題梁通事舍人東莞劉勰彥和著前後無序跋此書各本俱缺隱秀篇此本亦無此篇唯宗經篇頗與俗本不同每葉十八行行十七字

全唐詩語三卷分上中下不題撰人名氏末有跋題咸淳辛未重陽日遂初堂書亦不書名氏近刻本皆題作宋尤袤撰考袤爲紹興廿一年進士光宗時卒此當其後人所撰不知者誤題作袤耳近刻或作十卷或作六卷此尙是舊帙黑口板每葉廿行行十八字宣和書譜廿卷前有嘉靖庚子楊慎序稱博古圖南國監有刻本而此書雖中祕亦缺余得之於亡友許吉

士稚仁轉寫一帙冀傳播無絕云每葉十八行行十九字

齊東野語廿卷題齊人周密公謹父前有密自序提行猶是宋本原款後有正德十年胡文璧序正德乙亥盛杲序每葉廿二行行十八字卷四以上每葉空二格卷十以上每葉空一格收藏有日潤堂朱文長印